



Broj: 09-34-829-UP-1/16
Bihać, 19.02.2016.godine

Kantonalni odbor Osnovnog
obrazovanja i odgoja USK
BiH / USK
Broj: 01-41/16
Datum: 25.02.2016.

Ministarstvo zdravstva, rada i socijalne politike Unsko-sanskog kantona u postupku utvrđivanja reprezentativnosti sindikata za područje djelatnosti osnovnog obrazovanja u Unsko-sanskom kantonu, na zahtjev Samostalnog sindikata osnovnog obrazovanja i odgoja FBiH-Kantonalni odbor Unsko-sanskog kantona, sa sjedištem u Bihaću, ul. Krupska br. 26., na osnovu člana 130. stav 4. Zakona o radu („Službene novine Federacije BiH“, broj: 62/15), donosi:

RJEŠENJE
o utvrđivanju reprezentativnosti sindikata za područje djelatnosti
osnovnog obrazovanja

Utvrđuje se da je Samostalni sindikat osnovnog obrazovanja i odgoja Federacije BiH-Kantonalni odbor Unsko-sanskog kantona, reprezentativan sindikat za područje djelatnosti osnovnog obrazovanja na teritoriji Unsko-sanskog kantona.

Obrazloženje

Dana 28.01.2016.godine ovo Ministarstvo zaprimilo je zahtjev Samostalnog sindikata Federacije BiH-Kantonalni odbor Unsko-sanskog kantona, za utvrđivanje reprezentativnosti tog sindikata, kako je utvrđeno članom 130. Zakona o radu („Službene novine FBiH“, br. 62/2015).

Uz zahtjev, Samostalni sindikat osnovnog obrazovanja i odgoja Federacije BiH-Kantonalni odbor Unsko-sanskog kantona Bihać, je priložio slijedeće dokaze:

- rješenje o izvršenom upisu u Registar udruženja br. 03-05-2- 1659/12 od 29.01.2013.godine;
- rješenje o upisu promjena u Registru udruženja br: 03-05-2-1659/12 od 18.03.2013.godine;
- potvrda broj: 01-25/16 od 08.01.2016.godine da je Kantonalni odbor Unsko-sanskog kantona sastavni dio, odnosno organizaciona jedinica Samostalnog sindikata osnovnog obrazovanja i odgoja Federacije Bosne i Hercegovine;
- godišnji obračun - bilans stanja, bilans uspjeha, kao dokaz da se sindikalna djelatnost finansira iz članarina;
- lista podataka od Ministarstva finansija o uplaćenim sredstvima sindikalne članarine po osnovu obračuna plaća od 08.01.2016.godine;

Članom 122. Zakona o radu utvrđeni su opći uvjeti za reprezentativnost sindikata i to: da je registrovan kod nadležnog organa, da se finansira pretežno iz članarina i drugih vlastitih izvora i da ima potreban procenat učlanjenosti zaposlenih, a članom 124. Zakona propisano je da se reprezentativnim sindikatom za jedno ili više područja djelatnosti smatra sindikat koji,

pored uvjeta iz člana 122. Zakona ispunjava i uvjet da ima najmanje 30% članova od ukupnog broja zaposlenih u području djelatnosti (grani) na teritoriji Federacije BiH, odnosno području kantona.

Kako dokazi dostavljeni uz zahtjev ovog sindikata nisu bili potpuni za utvrđivanje reprezentativnosti, to smo našim aktom br. 09-34-829-UP-1/16 od 08.02.2016.godine zatražili od Samostalnog sindikata osnovnog obrazovanja i odgoja FBiH-Kantonalni odbor Unsko-sanskog kantona, da svoj zahtjev dopuni i to izjavom osobe ovlaštene za zastupanje i predstavljanje o ukupnom broju članova sindikata.

Ministarstvo zdravstva, rada i socijalne politike je u skladu sa članom 130. stav 2. Zakona o radu, od Federalnog zavoda za statistiku, pribavilo podatke o broju zaposlenih u konkretnom području djelatnosti na teritoriji Unsko-sanskog kantona.

Sindikata osnovnog obrazovanja i odgoja FBiH-Kantonalni odbor Unsko-sanskog kantona, dana 15.02.2016. godine dopunio je svoj zahtjev izjavom osobe ovlaštene za zastupanje i predstavljanje, kojom potvrđuje da Samostalni sindikat osnovnog obrazovanja i odgoja FBiH-Kantonalni odbor Unsko-sanskog kantona ima na svojoj evidenciji ukupno 2.020 članova.

Prema dostavljenim podacima Federalnog zavoda za statistiku Sarajevo, broj zaposlenih u djelatnosti osnovnog obrazovanja u Unsko-sanskom kantonu u decembru mjesecu 2015.godine iznosi ukupno 2.546 osoba.

Na osnovu podataka Federalnog zavoda za statistiku Sarajevo o ukupnom broju zaposlenih u djelatnosti osnovnog obrazovanja na području Unsko-sanskog kantona i izjave osobe ovlaštene za zastupanje i predstavljanje Kantonalnog odbora Unsko-sanskog kantona, utvrđeno je da članstvo Samostalnog sindikata osnovnog obrazovanja i odgoja FBiH-Kantonalni odbor Unsko-sanskog kantona čini 79,34% od ukupnog broja zaposlenih u području djelatnosti osnovnog obrazovanja, čime ovaj sindikat ispunjava uvjet iz člana 124. Zakona o radu, a kako na osnovu dokaza u spisu i utvrđenog činjeničnog stanja ispunjava i ostale uvjete za utvrđivanje reprezentativnosti sindikata propisane članom 122. Zakona o radu, odlučeno je kao u izreci rješenja.

Na ovo rješenje je uplaćena kantonalna administrativna taksa u iznosu od 10,00 KM direktno na račun br. 338002210005877 prema tarifnom broju 2. Zakona o administrativnim taksama i tarifi kantonalnih administrativnih taksa („Službeni list USK-a“ br. 3/97) i („Službeni glasnik USK-a“, br. 9/98,8/99,7/01,4/03, 20/04, 4/09, 19/11 i 29/12).

Uputa o pravnom lijeku: ovo rješenje je konačno i protiv njega nije dozvoljena žalba, ali se može pokrenuti upravni spor tužbom kod Kantonalnog suda u Bihaću u roku od 30 dana od dana prijema rješenja.

Postupak vodila: Babić Azema, dipl.pravnik

Dostaviti:

- ① Samostalni sindikat osnovnog obrazovanja i odgoja FBiH,
Kantonalni odbor Unsko-sanskog kantona
Ulica Krupska br 26. Bihać (uz dostavnicu)
- 2.Evidencija
- 3.a/a



Ministar
dr Ibrahim Kajtazović